

# Unkukhu Noshongololo

-  Winny Asara
-  Magriet Brink
-  Margaret Nokuthula Zondi
-  3
-  isiZulu zu

UNkukhu noShongololo babengabangani. Kodwa babehlala bencintisana. Ngelinye ilanga banquma ukudlala ibhola lezinyawo befuna ukubona ukuthi ubani owayengumpetha.

Baye enkundleni yebhola lezinyawo basebeqala umdlalo wabo. UNkukhu wayeshesha, kodwa uShongololo wayeshesha kakhulu. UNkukhu wayelikhahlela liye kude, kodwa elikaShongololo laliya kude kakhulu, uNkukhu waqala manje ukukhononda.

Banquma ukuba bakhahlele amaphenathi. Kwaqala uShongololo ukuba avimbe emagoli. UNkukhu wafaka igoli elilodwa kuphela. Emva kwalokho kwasekuba ithuba likaNkukhu ukuvika ukungena kwegoli.

UShongololo wakhahlela ibhola langena ezintini.  
UShongololo wapheceza ejika nebhola langena.  
UShongololo walishaya ngekhanda ibhola langena  
ezintini. UShongololo washaya amagoli amahlanu.

UNkukhu kwamthukuthelisa ukuthi uhluliwe.  
Wayengakubekezeleli ukuhlulwa. UShongololo  
wavele wamhleka ngoba umngane wakhe  
wayesexakanisekile.



UNkukhu wayesethukuthele kakhulu waze  
waligwinya ishongololo.

Kuthe uNkukhu eseya ekhaya,nwahlangana noMama Shongololo. UMama Shongololo wabuza, "Uke wayibona ingane yami?" UNkukhu akaphendulanga. UMama Shongololo wakhathazeka.

UMama Shongololo wezwa izwi elincane.  
“Ngelekelele Mama!” kukhala izwi. UMama  
Shongololo waqalaza walalelisisa, izwi laliqhamuka  
ngaphakathi enkukhwini.

UMama Shongololo wamemeza, "Sebenzisa amandla akho akhethekile mntanami!" Amashongololo akwazi ukukhipha iphunga elibi azenze anambitheke kabi. UNkukhu wazizwa efikelwa ukucanuzela kwenhliziyo.



UNkukhu wagonyuluka. Wabuye wagwinya  
wakhafula. Wathimula, wakhwehlela kaningi.  
Ishongololo lalinyanyeka!

UNkukhu wakhwehlela laze laphuma laqhasha  
ishongololo elalisesiswini sakhe. UMama  
Shongololo nengane yakhe banwabuzela  
bakhuphuka ngesihlahla bayocasha.



Kusukela ngalelo langa, izinkukhu namashongololo  
baba yizitha.



# Global Storybooks

[globalstorybooks.net](http://globalstorybooks.net)

## Unkukhu Noshongololo

-pencil icon Winny Asara

flag icon Magriet Brink

document icon Margaret Nokuthula Zondi

